

خط العمر

على خط العمر بقيت واقف
وكانه يشبه خط النار
كل المطلوب منك يازمان
من فضلك
وقف دة الإشعار

ليه قاصد دايمًا تخذلنا
كدة طول الوقت
وأتعامل دايمًا بضميرى
القينى ف بحر الوهم غرقت

وتملى ب تبعت إشعارك
خذلوك الناس
ادتهم أكثر من طاقتك
وبكل حماس
آخرتها تكمل مشوارك

ف السكة وحيد

واهو عادى تعيد
على أمل إنك مرة تقابل
حبة إخلاص
حد بيهتم ب تفاصيلك
شايك إحساس

واحلم والحلم بيتحول
دايما ل كابوس
الناس تتقابل ف الأول
ب تشوفها ملاك
ومن بعد هلاك روحك
لازم
الكل يدوس

و زمانا أهو واقف يتفرج
عجباة القصة وتوابعها
ويفوتوا يومين يبعث إشعار
ولا دمة تجف

ومنابعها دائما تنهار
كل المطلوب منك يا زمان
من فضلك وقف دة الإشعار